

THE FAIR "GOLDEN AUTUMN" WAS HELD IN KAZNU

Organized by the leadership of Al-Farabi Kazakh National University in honor of the day of the Republic of the country. The fair "golden autumn" was celebrated with an exhibition from each faculty being organized for this grand event. This event was attended by students of various startup ideas, an exhibition of vegetables and fruits, national dishes of different countries, Kazakh National drinks and various crafts. On the big stage in front of the Al - Farabi Library, our young students demonstrated their skills. The management of the University visited the exhibition and took pictures with students. Chairman-Rector of the management board Zh.K.Tuimebayev visited the textile products of the craft circle "Zhas sheber" (young masters) presented by the Department of pre-university training and gave a high assessment. Moreover, Foreign students members of the faculty spoke with the head of the University followed by taking a group photo at the end.

The Golden Autumn Fair, held in alma mater, demonstrates a fruitful year. We are grateful to KazNU for the high level of holding this event!

Sarayeva G.E., Tileuzhanova G.T., Nussupbaeva S.A.
Chair of Pre-University Training, KazNU.

СПОРТ – ДЕНСАУЛЫҚ КЕПІЛІ

Кез келген елдің болашағы – оның халқының денсаулығына байланысты екендігі дәлелдеуді қажет етпейтін шындық. Ал біздің болашақтағы бағытымыз – салауатты өмір салты. «Ауырып ем іздегенше, ауырмайтын жол ізде» дегенді өсіп келе жатқан ұрпақтың санасына сіңіріп, олардың өз денсаулығына деген жауапкершілікті қалыптастыру баршаның борышы.

«Спорт денсаулық кепілі!» қағидасын берік ұстанған Жоғары оқу орнына дейінгі дайындық кафедрасының «Старт» кулбының ұйымдастыруымен жастарды спортқа бейімдеу мақсатында л-Фараби атындағы ҚазҰУ-дың «Спорттық-сауықтыру кешені» Жоғары оқу орнына дейінгі білім беру факультетіне әр елден келген тыңдаушыларға танымдық-тәрбиелік саяхат ұйымдастырды.

«Спорттық-сауықтыру кешені» университет қызметкерлері мен студенттерін денсаулығын жақсартумен айналысуға қамтамасыз етеді. Кешеннің жалпы аумағы 7250 шаршы метр. Жеке база жалпылық спортты көтеруге үлкен әсер етеді. Алғашқы жетістіктер де жоқ емес. Боксер, волейболист, баскетболист, гимнаст және тағы басқа спорт түрлерінің өкілдерінен спорт шеберлерінің саны артауда.

- 3000 орындық трубиналық алаң (жасыл алаңқайлы футбол алаңы; спорттық ядро; жасанды төсенішті жүгіру алаңы);
- 300 орындық трубиналы футбол-бейсбол алаңы; жасанды төсенішті мини-футболға арналған 3 алаң;
- 2 спортзал (әрқайсысының аумағы – 680 шаршы метр.
- 6 ашық теннис корттары;
- жағажай волейболы алаңы;
- атлетикалық гимнастика және аэробикамен айналысуға 2 зал;
- фитнес-зал;
- жалпы күрес, бокс, күрес залы (күрес кілемі, татами);
- ЕДШ үшін дайындық залы;
- шахмат залы;
- арнайы медициналық топтағы студенттер үшін 2 зал;
- емдік шынықтыруға арналған зал;
- 2 оқу аудиториясы.

Спорт кешеніндегі бұлардың барлығы студенттерді алаңсыз спортпен шұғылданып, денсаулығын шыңдауға көмектеседі.

Қорыта келе айтарымыз, шетелден келген тыңдаушылар осы спорт кешеніне жасаған таныстыру саяхатынан кейін күрес, самбо спорт жарыстарына қатысып, жүлделі орындарға ие болды. Спортшылардың бұл жеңістері басқа да балалардың қазіргі уақытта спорттың әр түріне деген қызығушылықтарын арттырып отыр.

Әл-Фараби атындағы Қазақ Ұлттық университеті
ЖОО-ға дейінгі дайындық кафедрасының
аға оқытушылары
Г.М.Мужигова, С.А.Нусупбаева, Ж.Б.Саткенова

АЛМАТЫНЫҢ СИМВОЛЫ – «КӨКТӨБЕ»

Көктөбе – Іле Алатауының бөктерінде орналасқан көз тартарлық сұлу жер. Алматы қаласының әсем жерлерін сипаттағанда бірінші болып Көктөбе көзге түседі. Тау сілемдерінің биік шоқысы Көктөбенің әр бұрышы тарихтан сыр шертеді. Әлемдік рекордтардан көш бастап тұрған Алматы әсем қаламыздың көркіне көрік беріп тұрған Көктөбенің сұлу келбетінің өзі бір төбе. Осындай көркем табиғаты мен тәнге қуат беретін тұнық ауасын шетелден келген қандастарымызға көрсетіп мақтанғмыз келді. Табиғатты аялауды насихаттау мақсатында әл-Фараби атындағы Қазақ Ұлттық университетінің <https://www.kaznu.kz> Жоғары оқу орнына дейінгі білім беру факультеті, Жоғары оқу орнына дейінгі дайындық кафедрасының куратор-эдвайзерлері шетелдік студенттерге Көктөбенің көркін тамашалауға саяхат ұйымдастырды.

Іле Алатауының бөктерінде орналасқан Көктөбедегі телемұнараның өзі әлемдегі ең биік деп саналады. Мұнара 10

балдық жер сілкінісіне де төтеп бере алатындай беріктікпен салынған. Сондай-ақ мұндағы аспалы жол да ел және жаһан жұрты асыға келетін орынға айналған. Бұл аспалы жолдың ұзындығы 1620 метр. Ал үстіңгі және төменгі станциялардың биіктік айырмасы 250 метрді құрайды. Сонымен қатар ағылшындық The Beatles тобына арналған мүсіндер ТМД елдеріндегі екінші ескерткіші. Ал әлем бойынша Көктөбеде ғана The Beatles тобының құрамы толық жиналған монумент бар.

Шетелдік студенттерді көркімен тамсандырған осы бір Шаһардың бейнесі, алақандағыдай көрінетін Көктөбенің көркі ертегі әлеміндегідей әсер қалдырды.

Әл-Фараби атындағы Қазақ Ұлттық университеті
Жоғары оқу орнына дейінгі дайындық
кафедрасының аға оқытушылары
Г.М.Мужигова, С.А.Нусупбаева, М.Н.Ибрагимова

«БІЗ – ЖАҢА ҚАЗАҚСТАННЫҢ ЖАСТАРЫМЫЗ»

Студенттер сарайында өнерлі жастарды қолдау мақсатында «Біз – жаңа Қазақстанның жастарымыз» атты фестиваль әл-Фараби атындағы Қазақ Ұлттық университетінде www.kaznu.kz ұйымдастырылып, студенттер арасында жас таланттардың өнер жарысы жобасы өтті. Бұл жобаның негізгі мақсаты университетімізде білім алып жүрген талантты жастарды қолдау. Аталмыш байқауға қатысуға 2000-ға жуық студент өтініш білдірген. Ақтық сынға жүзден жүйрік, мыңнан тұлпар шыққан іріктеу кезеңдерінен сүрінбей өткен 14 факультеттің жеңімпаздары қатысты. «Біз – жаңа Қазақстанның жастарымыз» атты байқауда өнерлі жастар «Эстрадалық ән», «Дәстүрлі ән», «Халықтық би», «Заманауи би» «Классикалық би», «Музыкалық аспаптарда ойнау шеберлігі», т.б. аталымдары бойынша марапатталып, әл-Фараби атындағы ҚазҰУ Басқарма Төрағасы – Ректоры Ж.Қ.Түймебаевтың бас жүлдеге 3 көлемдегі шәкіртақы, 1-орынға 2 көлемдегі шәкіртақы, 2-орынға 1 көлемдегі шәкіртақы, 3-орынға ҚазҰУ спорт-сауықтыру лагеріне Ыстық көлге жолдамасымен марапатталды.

Өнерлерімен тәнті етіп, байқауда ерекше көзге түскен студенттер өздерімен қоса факультеттеріне де жеңіс әкелді. Осындай жеңістің туын желбіреткен өнерлі жастардың ішінде Жоғары оқу орнына дейінгі білім беру факультетінің 8 топ тыңдаушысы Хайрол Ахгүл (Монғолия) «Farabi dance» бишілер байқауының «Соло биі» номинациясы бойынша бас жүлдені қанжығаласа, 6 топ тыңдаушысы Әбдіхалел Бейбіт (ҚХР) «Farabi dance» бишілер байқауының «Соло биі» номинациясы бойынша ІІ-орынды иеленді. Атамекенге келіп, факультетімізде білім алып отырған өнерлі жастарға қолдау білдіру мақсатында бізде келдік, жүлделі орын иеленген студенттердің қатарынан өз тыңдаушыларымыздың да бар екенін естігенде төбеміз көкке жетпей қуандық. Бұл біздің факультетіміздің қуанышы!

Әл-Фараби атындағы Қазақ Ұлттық университеті
Жоғары оқу орнына дейінгі дайындық
кафедрасының аға оқытушылары
Ж.Б.Саткенова, Т.М.Буланова, Ж.Қ.Дауытова

ҮЙІРМЕНІҢ БАСТЫ БАҒЫТЫ – ЖАСТАРҒА САПАЛЫ БІЛІМ БЕРУДІ САНАЛЫ ТӘРБИЕ ІСІМЕН ҰШТАСТЫРУ

Әл-Фараби атындағы Қазақ Ұлттық университеті – еліміздің ғана емес Орта Азия мен Түркі елдерінің білім-ғылым кеңістігінде флагманы болып отырған қара шаңырақ. Отандық озат білім ордасында оқуды тек қазақстандық жастар ғана арман етпейді, тағдырдың тәлкегімен төрткүл дүниенің түпкір-түпкіріне тарыдай шашылған шетелдік қазақтың жастары да атамекенде ана тілімізде білім алсақ деп армандайды. Біздің университеттің ЖОО-ға дейінгі білім беру факультетіне білім алу үшін Моңғолия, Түркия, Қытай, Ресей, Өзбекстан, Түркіменстан, Иран, Ауғанстан, Арабия, тағы да басқа әлемнің алыс және таяу шетелдерінен қазақ жастары келеді, олар екі бағытта: мемлекеттік грантпен және ақылы түрде (толығырақ ақпаратты <https://www.kaznu.kz> сайтынан біле аласыздар) білім ала алады. Қазақстан Республикасының ЖОО-ларына түсу үшін, әрине, қазақстандық жастар секілді олар да Ұлттық бірыңғай тест сынағын тапсыруы қажет. Барлық мемлекет бірдей стандартпен білім бермейтіні аян. Сол себепті шетелдік қазақ жастары білім жолын қазақстандық жалпы орта білім беретін мемлекеттік стандартқа сай оқытатын біздің ЖОО-ға дейінгі білім беру факультетінің ЖОО-ға дейінгі дайындық кафедрасынан бастайды. Кафедра сапалы білім беру жұмысы саналы тәрбие беру ісімен ұштастырыла жүргізіледі. Осы мақсатта кафедрада үйірмелер мен клубтар жұмыс істейді. «Жас талап», «Жауқазын» үйірмелері былғы 2022-2023 оқу жылындағы кезеңді өз жұмысын факультет тыңдаушыларына – еліміздің білім беру жүйесі әлемдік білім беру нарығында бәсеке-келестікке қабілетті екендігін көрсету және университетіміздің отандық білім беру саласында жоғары оқу орындарының көшбасшысы екенін насихаттаумен қатар, Тәуелсіз Қазақстан Республикасының интеллектуалды әлеуетінің жоғарылығын, экономикасының қарқынды дамып келе жатқан өркеніетті, зайырлы мемлекет екендігі туралы шетелдік азаматтарға жағымды көзқарасын қалыптастыру және атамекенін Отанымды деп танып, еліміздің игілігі үшін қызмет етуге шақыру, шетелдік қазақ жастарына азаматтық-әлеуметтік патриоттық тәрбие беру мақсатында қазан айында «Атамекен – алтын бесік» атты мәдени шараны ұйымдастырумен бастады. Еліміздің жарқын болашағы – білімді де білікті, әлемдік білім-ғылым кеңістігінде, еңбек нарығында бәсекеге қабілетті жастар. Ұстаздардың қасиетті парызы – жастарға терең де сапалы білім, саналы тәрбие беру. Бүгінгі білімді жас – ертеңгі білікті маман, сондықтан да факультеттегі білім алушы жастарға терең білім берумен қатар, саналы тәрбие беруді басты парызы санайтын ЖОО-ға дейінгі дайындық кафедрасының ұстаздар ұжымы қазақ тілі пәнінің аға оқытушысы Р.Т.Наралиеваның бастамасымен кафедра жанынан «Жас талап» үйірмесін ашты. Үйірме

еліміздің білім және ғылым министрлігі мен университеттің ережелеріне білім беру стандартын басшылыққа ала отырып, өз жұмысын ұйымдастырады. Еліміздің толерантты келбетін, бейбітшілдікті сүйгіш сипатын насихаттай отыра, білім алушы әрбір жасқа өз қабілетіне қарай жеке тұлға болып қалыптасуына көмектесетін кәсіби бағдар беретін бейіндік сабақтарды өткізеді. Үйірме мен клубтың ашылу салтанатын кәсіби бағдар беруге арналған «Мамандықтың бәрі жақсы» атты бейіндік сабақты ұйымдастырумен бастайды. Себебі елімізге білім алуға келген шетелдік азаматтар ең әуелі дайындық факультетінде тілдік дайындықпен қоса таңдаған мамандығына орай негізгі пәндерден сабақ оқиды. Мамандығы туралы нақты ақпарат алу осы жұмыстың қыры мен сырын және осы кәсіптің басымдығын, приоритетін түсінуге себепші болып, жастарға мамандығын дұрыс таңдауға көмектеседі деп ойлаймыз. Сонымен қатар біздің үйірме жастарды шығармашылық қабілетін дамытуды, оларды креативті ойлауға, ғылыми ізденіске жетелеуді, өз бетінше жұмыс істеуге баулуды мақсат етеді.

Осы мақсатта қызықты сабақтар, тренинг-семинарлар, викториналар білім сайыстарын – брейн-рингтер, шығармашылық байқаулар өткізуді ұйымдастырады. Үйірмеіміздің ұраны: «Оқы, ізден, еңбектен, Жас ұрпақ!»

Ұстанымы: «Арамызда артта қалушылар болмасын» деген мұратпен кафедрада білім алушылар арасындағы үлгерім төмендігі секілді сәйкессіздерді түзетуге арналған қосымша факультативтік жұмыстар да жүргізіледі. Әрине, жалаң білім сапалы да, тәрбиесіз жемісті де болмайтындығы бәрімізге де мәлім, сондықтан үйірме өз жұмысын білім саласы мен тәрбие сапасын ұштастыра жүргізуді негізге алады. Осы мақсатта «Кітап – алтын қазына», «Тәрбие басы – тіл», «Саяткерлік – ұлттық рухтың негізі», «Табиғат-анаңды аяла», мәдени-танымдық саяхаттар, кәсіби бағдар беретін бейіндік сабақтарды ұйымдастырады. Шығармашылық қабілетін арттырып, шыңдау мақсатында «Қазақстан шетелдіктердің көзімен», «Атамекенім – айбыным менің», «Мақал-мәтел – сөз мәйегі» атты шығармашылық байқаулар өткізеді. Университет пен факультеттегі іс-шаралардан тыс республикалық, қалалық, тіпті халықаралық байқауларға білім сайыстарына, пәндік олимпиадаларға қатысып, жүлделі орындарды иеленіп жатады. Студенттік ғылыми конференцияларға қатысамын деген талапкерлерге ғылыми жетекшілік жұмысын атқарады.

Әл-Фараби атындағы Қазақ Ұлттық университеті
ЖОО-ға дейінгі дайындық кафедрасының аға оқытушылары
Наралиева Р.Т., Мужигова Г.М., Нусупбаева С.А.